

შეთანხმება

ელექტრონული ტენდერის საშუალებით
სახელმწიფო შესყიდვის ერთობლივად განხორციელების შესახებ

ქ. ოზურგეთი

13 აგვისტო 2018 წელი

ერთის მხრივ, ოზურგეთის მუნიციპალიტეტი, წარმოდგენილი მერის, კონსტანტინე შარაშენიძის სახით, მეორეს მხრივ, ჩოხატაურის მუნიციპალიტეტი, წარმოდგენილი მერის, ირაკლი კუჭავას სახით და მესამეს მხრივ, ლანჩხუთის მუნიციპალიტეტი, ალექსანდრე სარიშვილის სახით, ერთობლივად ხსენებული როგორც „მხარეები“, ხოლო ცალ-ცალკე როგორც „მხარე“, „სახელმწიფო შესყიდვების შესახებ“ საქართველოს კანონის მე-9 მუხლის 1¹ პუნქტის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-10 მუხლის საფუძველზე, ვაფორმებთ წინამდებარე შეთანხმებას შემდეგზე:

მუხლი 1. შეთანხმების საგანი

1.1. შეთანხმების საფუძველზე მხარეები თანხმდებიან, რომ ერთობლივად განახორციელონ ოზურგეთის, ჩოხატაურისა და ლანჩხუთის მუნიციპალიტეტებში, 2019 წელს განსახორციელებელი წყალმომარაგებისა და წყალარინების ქსელების (სისტემების) მოწყობისა და რეაბილიტაციისათვის საჭირო საპროექტო-საბარჯთაღრიცხვო დოკუმენტაციის შედგენის მომსახურება 2018-2019 წლების განმავლობაში შესყიდვა „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების 39-ე მუხლით გათვალისწინებული ელექტრონული ტენდერის (ვაჭრობის დაფარული მონაცემებით, დამატებითი რაუნდების გარეშე) საშუალებით, წინამდებარე შეთანხმებით განსაზღვრული პირობების შესაბამისად.

მუხლი 2. სატენდერო განცხადებისათვის და სატენდერო დოკუმენტაციისათვის გათვალისწინებული მოთხოვნები

2.1. სატენდერო განცხადებისათვის და სატენდერო დოკუმენტაციისათვის გათვალისწინებული მოთხოვნები განისაზღვრება წინამდებარე შეთანხმების დანართი N1-ის შესაბამისად.

მუხლი 3. ტენდერის გამოცხადებაზე უფლებამოსილი შესყიდველი ორგანიზაცია

3.1. ტენდერის გამოცხადება უფლებამოსილ შემსყიდველ ორგანიზაციას წარმოადგენს ოზურგეთის მუნიციპალიტეტი, ს/კ 237114635.

მუხლი 4. სამშენებლო სამუშაოების საორიენტაციო ღირებულება

4.1 სამშენებლო სამუშაოების საორიენტაციო ღირებულება, რაზედაც ტენდერში მონაწილე პრეტენდენტმა უნდა გასწიოს მომსახურება, მოცემულია წინამდებარე შეთანხმების დანართი N2-ში.

მუხლი 5. სხვა დებულებები

5.1. შეთანხმება ძალაში შედის მხარეთა მიერ მისი ხელმოწერის მომენტიდან.

5.2. შეთანხმება შეიძლება შეწყდეს:

5.2.1 მხარეთა წერილობითი შეთანხმებით;

5.2.2 საქართველოს კანონმდებლობით დადგენილ სხვა შემთხვევებში.

5.3. შეთანხმებაში ცვლილებების და დამატებების შეტანა შესაძლებელია მხოლოდ მხარეთა შორის წერილობითი შეთანხმების გაფორმების გზით. შეთანხმებაში შეტანილი ცვლილებები და დამატებები წარმოადგენს შეთანხმების განუყოფელ ნაწილს.

5.4. შეთანხმების რომელიმე მუხლის ან პუნქტის ბათილობა არ გამოიწვევს მთლიანად შეთანხმების ან/და მისი სხვა მუხლის ბათილობას.

5.5. ის საკითხები, რომელიც არ არის გათვალისწინებული შეთანხმებით, რეგულირდება საქართველოს კანონმდებლობით.

5.6. შეთანხმება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად და თითო ეგზემპლარი ინახება ხელმოწერ მხარეებთან.

მუხლი 6. მხარეთა ხელმოწერები

ოზურგეთის მუნიციპალიტეტის მერი

კონსტანტინე შარაშენიძე

ჩოხატაურის მუნიციპალიტეტის მერი

ირაკლი კუჭავა

ლანჩხუთის მუნიციპალიტეტის მერი

ალექსანდრე სარიშვილი



1. შესყიდვის ობიექტის დასახელება

შესყიდვის ობიექტია ოზურგეთის, ჩოხატაურისა და ლანჩხუთის მუნიციპალიტეტების მიერ, 2019 წელს განსახორციელებელი წყალმომარაგებისა და წყალარინების ქსელების (სისტემების) მოწყობისა და რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შედგენის მომსახურება 2018-2019 წლების განმავლობაში.

2. მომსახურების აღწერა (ტექნიკური დავალება), შესყიდვის ობიექტის მოცულობა

2.1 მომსახურების მიწოდება მიზნად ისახავს ოზურგეთის, ჩოხატაურისა და ლანჩხუთის მუნიციპალიტეტების მიერ წყალმომარაგებისა და წყალარინების ქსელების (სისტემების) მოწყობისა და რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შედგენას 2018 - 2019 წლების განმავლობაში (ხელშეკრულების მოქმედების პერიოდი).

2.2 მიმწოდებელმა უნდა უზრუნველყოს პროექტირებას დაქვემდებარებულ თითოეულ კონკრეტულ ობიექტზე, მუნიციპალიტეტის მიერ მიმწოდებლისთვის გადაცემული დეტალური ტექნიკური დავალებითა და დასაპროექტებელი სამშენებლო ობიექტის შინაარსიდან გამომდინარე, ზოგადი ტექნიკური დავალებით (დანართი N2) გათვალისწინებული პირობებისა და საქართველოში მოქმედი ნორმატიული დოკუმენტების შესაბამისად.

2.3 დეტალური ტექნიკური დავალება მოიცავს, მომსახურების გაწევის ვადებს, დასაპროექტებელი ობიექტის დასახელებას, მის ადგილ-მდებარეობას, საპროექტო მომსახურების ძირითადი სახეობებს, პროექტით განსახორციელებელი სამშენებლო სამუშაოების ჩამონათვალს და მათ საორიენტაციო ღირებულებას.

2.4 სამშენებლო სამუშაოების განხორციელებისას, საპროექტო დოკუმენტაციაში გამოვლენილი უზუსტობების ან/და შეუსაბამოებები შემთხვევაში მიმწოდებელი ვალდებულია, მუნიციპალიტეტის მიერ წერილობითი მიმართვიდან 5 სამუშაო დღის ვადაში, საკუთარი ხარჯებით უზრუნველყოს საპროექტო-სახარჯთაღრიცხვო დოკუმენტაციის კორექტირება და კორექტირებული დოკუმენტაციის მუნიციპალიტეტისთვის მიწოდება.

2.5 მიმწოდებელი ვალდებულია 5 სამუშაო დღის ვადაში გამოასწოროს საპროექტო-სახარჯთაღრიცხვო დოკუმენტაციის მოზადების პროცესში ან/და მისი დასრულების შემდგომ, ინსპექტირების შედეგად გამოთქმული შენიშვნები (საპროექტო-სახარჯთაღრიცხვო დოკუმენტაციაში გამოვლენილი შეუსაბამოებები ნორმატიულ-ტექნიკური დოკუმენტებთან და ტექნიკური დავალების მოთხოვნებთან) ან წარმოადგინოს მათზე არგუმენტირებული პასუხები.

3. მომსახურების გაწევის ვადა

3.1. მომსახურების მიწოდება უნდა განხორციელდეს 2019 წლის 31 დეკემბრამდე.

3.2. პროექტირებას დაქვემდებარებულ თითოეულ კონკრეტულ ობიექტზე, საპროექტო-სახარჯთაღრიცხვო დოკუმენტაციის შედგენის მომსახურების მიწოდების ვადები, მათ შორის აუცილებლობის შემთხვევაში მომსახურების მიწოდების ცალკეული ეტაპები და ეტაპების შესრულების ვადები განისაზღვრება დეტალური ტექნიკური დავალებით, რომელსაც მიმწოდებელს გადასცემს მუნიციპალიტეტი.

იმ შემთხვევაში, თუ დეტალური ტექნიკური დავალებით განსაზღვრულ, თითოეულ ობიექტზე განსახორციელებელი სამუშაოების საორიენტაციო ღირებულება შეადგენს ან აღემატება 50000 (ორმოცდაათი ათასი) ლარს, სრული საპროექტო-სახარჯთაღრიცხვო დოკუმენტაციის, მუნიციპალიტეტისთვის წარდგენის ვადები განისაზღვრება არაუმეტეს 40 კალენდარული დღით.

იმ შემთხვევაში, თუ დეტალური ტექნიკური დავალებით განსაზღვრულ, თითოეულ ობიექტზე განსახორციელებელი სამუშაოების საორიენტაციო ღირებულება ნაკლებია 50000 (ორმოცდაათი ათასი) ლარზე, სრული საპროექტო-სახარჯთაღრიცხვო დოკუმენტაციის, მუნიციპალიტეტისთვის წარდგენის ვადები (საპროექტო-სახარჯთაღრიცხვო დოკუმენტაციაზე გაცემული დადებითი ექსპერტიზის დასკვნის ჩათვლით) განისაზღვრება არაუმეტეს 20 კალენდარული დღით.

3.3. საჭიროების შემთხვევაში, ცალკეული პროექტის შესრულების ვადების გაგრძელება დაიშვება ორმხრივი შეთანხმების საფუძველზე, არაუმეტეს 20 კალენდარული დღის ვადით.

4. მომსახურების გაწევის შესრულების ფორმა და ადგილი

4.1. მიმწოდებელი ვალდებულია გადასცეს შემსყიდველ ორგანიზაციას სრული საპროექტო-სახარჯთაღრიცხვო დოკუმენტაცია.

4.2. საპროექტო-სახარჯთაღრიცხვო დოკუმენტაცია წარმოდგენილი უნდა იქნეს მხოლოდ ქართულ ენაზე.

4.3. საპროექტო-სახარჯთაღრიცხვო დოკუმენტაციის ეგზემპლიარების რაოდენობა:

- ა) საპროექტო დოკუმენტაცია - 3 ეგზემპლარი ბეჭდური (A-3 და A-4 ფორმატები);
 ბ) სახარჯთაღრიცხვო დოკუმენტაცია - 3 ეგზემპლარი ბეჭდური (A-4 ფორმატი);
 გ) საპროექტო-სახარჯთაღრიცხვო დოკუმენტაციის სრული ელექტრონული (PDF და Excel ფაილები) ვერსია - 1 CD/DWD დისკი;
 დ) საჭიროების შემთხვევაში მიმწოდებელი ვალდებულია გადასცეს შემსყიდველ ორგანიზაციას საპროექტო-სახარჯთაღრიცხვო დოკუმენტაციის სამუშაო ელექტრონული ფაილები (MS Word, Excel, AutoCAD, ArchiCAD და სხვა).

4.4. საბოლოო (სრული) საპროექტო-სახარჯთაღრიცხვო დოკუმენტაცია წარდგენილუნდაიყოსშემდეგმისამართებზე: - ოზურგეთის მუნიციპალიტეტი - ქ. ოზურგეთი, კოსტავას ქ. N1

- ჩოხატაურის მუნიციპალიტეტი - ჩოხატაური, წერეთლის ქ. N2
- ლანჩხუთის მუნიციპალიტეტი - ქ. ლანჩხუთი, კოსტავას ქ. N37

5. პრეტენდენტის გამოცდილებასთან დაკავშირებული მოთხოვნები
 5.1. პრეტენდენტს **2015-2018 წლების განმავლობაში** უნდაქონდეს განხორციელებული არანაკლებ **200000 (ორასი ათასი)** ლარის ჯამური (საპროექტო) ღირებულების გზების მშენებლობის, რეკონსტრუქციის, მოდერნიზაციის ან რეაბილიტაციის საპროექტო-სახარჯთაღრიცხვო დოკუმენტაციის შედგენის მომსახურება.

5.2. პრეტენდენტს **2015-2018 წლების განმავლობაში** I (ერთი) ხელშეკრულების ფარგლებში უნდაქონდეს განხორციელებული არანაკლებ **20 000 (ოცი ათასი)** ლარის (საპროექტო) ღირებულების, საავტომობილო გზების მშენებლობის, რეკონსტრუქციის, მოდერნიზაციის ან რეაბილიტაციის საპროექტო-სახარჯთაღრიცხვო დოკუმენტაციის შედგენის მომსახურება.

5.3. წყალმომარაგების ან/და წყალარინების ქსელების (სისტემების) მოწყობისა ან/და რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შედგენის მომსახურების გამოცდილების დადასტურების მიზნით, პრეტენდენტი ვალდებულია წარმოადგინოს, საანგარიშო პერიოდში მზარეთა მიერ ხელმოწერილი ხელშეკრულებები და შესაბამისი მიღება-ჩაბარების აქტები.

6. პრეტენდენტის პერსონალის გამოცდილებასთან დაკავშირებული მოთხოვნები
 6.1. მომსახურების მიწოდებისას მიმწოდებელმა უნდა უზრუნველყოს ქვემოთ მოთხოვნილი კვალიფიკაციისა და საპროექტო სამუშაოების ჩატარების კუთხით გამოცდილების მქონე, შესაბამისი რაოდენობის ძირითადი სპეციალისტების ჩართვა.
მხელშეკრულების მოქმედების პერიოდში მიმწოდებელს მუდმივად უნდა ჰყავდეს აყვანილი სპეციალისტების შემდეგი მინიმალური რაოდენობა:

- გუნდის ხელმძღვანელი - ინჟინერი, სპეციალობით მუშაობის არანაკლებ 10 წლის გამოცდილებით - 1 სპეციალისტი;
- წყალმომარაგებისა და წყალარინების სპეციალისტი - სპეციალობით მუშაობის არანაკლებ 10 წლის გამოცდილებით - 2 სპეციალისტი;
- ჰიდროგეოლოგი - სპეციალობით მუშაობის არანაკლებ 10 წლის გამოცდილებით - 1 სპეციალისტი;
- ჰიდროინჟინერი - სპეციალობით მუშაობის არანაკლებ 5 წლის გამოცდილებით - 1 სპეციალისტი;
- გეოლოგი - სპეციალობით მუშაობის არანაკლებ 5 წლის გამოცდილებით - 1 სპეციალისტი;
- სპეციალისტი - სახარჯთაღრიცხვო დოკუმენტების შედგენის არანაკლებ 5 წლის გამოცდილებით - 1 სპეციალისტი;

6.2. თითოეულ ძირითად სპეციალისტზე პრეტენდენტმა უნდა წარმოადგინოს:

- ა) პირადობის მოწმობის ასლი;
 ბ) უმაღლესი განათლების დამადასტურებელი დოკუმენტი;
 გ) სპეციალისტის ბიოგრაფიული მონაცემები სატენდერო დოკუმენტაციის დანართით N3 გათვალისწინებული მოთხოვნების შესაბამისად, რომელიც ხელმოწერილი უნდა იყოს ძირითადი სპეციალისტი მიერ.
 დ) მიმწოდებელსა და სპეციალისტს შორის გაფორმებული შრომითი ხელშეკრულებარომლის მოქმედების ვადაც არ უნდა იყოს ნაკლები 2019 წლის 31 დეკემბრისა.

6.3. საჭიროების შემთხვევაში, მიმწოდებელი ვალდებულია მომსახურების დროს უზრუნველყოს იმ სპეციალისტების წარმოდგენა რომლებიც ჩამონათვალში არ არის გათვალისწინებული. დამატებითი

სპეციალისტების შესახებ ინფორმაცია, მიმწოდებელმა შესატანხმებლად უნდა წარუდგინოს მუნიციპალიტეტის

6.4. საჭიროების შემთხვევაში მომსახურების დროულად დასრულების მიზნით მიმწოდებელი ვალდებულია უზრუნველყოს ძირითადი სპეციალისტების რაოდენობის გაზრდა. ასევე, აუცილებლობის შემთხვევაში შემსყიდველი ორგანიზაციის დასაბუთებული არგუმენტაციის საფუძველზე უზრუნველყოს სპეციალისტ(ებ)ის ჩანაცვლება სხვა უფრო მაღალი კვალიფიკაციის სპეციალისტებით.

7. ქვეკონტრაქტორთან დაკავშირებული მოთხოვნები

7.1 მიმწოდებელმა წერილობით უნდა აცნობოს შემსყიდველ ორგანიზაციას მოცემული ხელშეკრულების ფარგლებში, ყველა ქვეკონტრაქტორთან დადებული ხელშეკრულებების შესახებ და მიიღოს მისგან წერილობითი თანხმობა;

7.2 ქვეკონტრაქტორი კომპანია ან კომპანიები არ უნდა იყვნენ რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში - „შავისია“;

7.3 ქვეკონტრაქტორ(ებ)ზე წარმოდგენილი იქნას შემდეგი სახის ინფორმაცია: შესასრულებელი სამუშაოების დასახელება და ქვეკონტრაქტის ასლი;

7.4 სამუშაოების ნაწილის ქვეკონტრაქტორ(ებ)ზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებიდან.

7.5. ხელშეკრულების ფარგლებში ყველა ქვეკონტრაქტორთან დადებული ხელშეკრულების ასლი უნდა წარედგინოს შემსყიდველ ორგანიზაციას.

8. სხვა დამატებითი მოთხოვნები

8.1.

პრეტენდენტის მიერ სახელმწიფო შესყიდვების ერთიან ელექტრონულ სისტემაში ასატვირთი დოკუმენტაციის ჩაბრუნება:

ა) ფასების ცხრილი - იმ შემთხვევაში თუ ფასების ცხრილი არ იქნება წარმოდგენილი, ან წარმოდგენილი იქნება გაანაწილებული ფასების გარეშე, მისი დაზუსტების მოთხოვნა არ გამოიყენება, შესაბამისად განხორციელდება პრეტენდენტის დისკვალიფიკაცია შესყიდვის პროცედურებიდან.

ბ) სატენდერო დოკუმენტაციით განსაზღვრული პრეტენდენტის გამოცდილების დამადასტურებელი დოკუმენტები - ხელშეკრულებები და შესაბამისი მიღება-ჩაბარების აქტები

გ) ინფორმაცია იმ ძირითადი სპეციალისტების შესახებ, რომლების ჩართული იქნებიან მომსახურების მიწოდების დროს. ძირითადი სპეციალისტების მიმართ დადგენილი მოთხოვნები მოცემულია სატენდერო დოკუმენტაციაში;

8.2. ფასი გამოსახული უნდა იყოს ლარში,

რაც უნდა მოიცავდეს ტენდერი თვანსაზღვრული მომსახურების მიწოდებისთვის გათვალისწინებულ ყველა ხარჯსა და მოსაკრებელს დამიწოდებლისთვის გათვალისწინებულ ყველა გადასახადს, დღგ-ს გარეშე. დღგ-ს გადასახადი პრეტენდენტის შემთხვევაში, აღნიშნული თანხა

გათვალისწინებული იქნება ხელშეკრულების გაფორმების მომენტისათვის. სატენდერო წინადადების ფასის დაანგარიშებისას დადგენილი მოთხოვნები მოცემულია ხარჯთაღრიცხვაში;

8.3.

ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იყოს ქართულ ენაზე. დოკუმენტების ან/და ინფორმაციის სხვა ენაზე წარმოდგენის შემთხვევაში მათ უნდა დაერთოს საჭირო დოკუმენტების დამატებითი თარგმანები ქართულ ენაზე.

დოკუმენტაციასთან დაკავშირებული სადავო საკითხების გადაწყვეტისას სხვა ენოვანი დოკუმენტის დამატებითი თარგმანების მოწოდება მოთხოვნილია.

8.4. პრეტენდენტს არააქვს უფლება წარმოადგინოს ალტერნატიული სატენდერო წინადადება.

9. ხელშეკრულების შესრულების უზრუნველყოფის გარანტია

9.1 მოითხოვება ხელშეკრულების შესრულების უზრუნველყოფის გარანტია 5 %-ის ოდენობით.

9.2 სავარაუდოდ ღირებულებასთან შედარებით საბოლოო ფასის 20%-ით ან მეტი თანხის შემთხვევაში გარანტიის ოდენობა 10 %-ის ოდენობით

9.3 გარანტიის მოქმედების ვადა

30 კალენდარული დღით უნდა აღმატებოდეს ხელშეკრულების მოქმედების ვადას.

9.4 გარანტიისპირობები

გარანტია წარმოდგენილი უნდა იყოს, საქართველოს კანონმდებლობის შესაბამისად საბანკო ან სადაზღვევო დაწესებულების მიერ ეროვნულ ვალუტაში - ლარში, (ანუ ებოქვეყნის საბანკო დაწესებულებიდან, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულებიდან, ისმიერ) შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი უფლებამოსილი პირის მიერ დაბეჭედდასმული, დანართი N1-ში მოცემული პირობების შესაბამისად.

10. ეტაპობრივი ან/და საბოლოო ანგარიშსწორების განხორციელების პირობები

10.1 ყოველ კონკრეტულ ობიექტზე საპროექტო მომსახურების ღირებულება განისაზღვრება, მიმწოდებლის მიერ მუნიციპალიტეტისთვის გადაცემული დასრულებული საპროექტო-სახარჯთაღრიცხვო დოკუმენტაციით განსაზღვრული სამშენებლო სამუშაოების იმ პროცენტის ოდენობით რომელიც მიმწოდებელსა და შემსყიდველ ორგანიზაციას შორის გაფორმებულ ხელშეკრულებაში იქნება განსაზღვრული.

10.2 იმ შემთხვევაში, თუ შემსყიდველი ორგანიზაციის მიერ მიმწოდებლისთვის პროექტირებას დაქვემდებარებულ თითოეულ ობიექტზე გადაცემული დეტალური ტექნიკური დავალებით განსაზღვრული, განსახორციელებელი სამუშაოების საორიენტაციო ღირებულება შეადგენს ან აღემატება 50 000 (ორმოცდაათი ათასი) ლარს, მომსახურება დასრულებულად ჩაითვლება შემსყიდველი ორგანიზაციის მიერ შერჩეული შესაბამის სფეროში აკრედიტირებული კომპანიის, შპს „რეალექსპერტი“-ს დადებითი დასკვნის შემსყიდველ ორგანიზაციასთან წარდგენის შემდეგ, რომლის საფუძველზეც გაფორმდება მიღება-ჩაბარების აქტი. შპს „რეალექსპერტი“-ს მომსახურება ანაზღაურდება შემსყიდველი ორგანიზაციის მიერ.

10.3 იმ შემთხვევაში, თუ შემსყიდველი ორგანიზაციის მიერ მიმწოდებლისთვის პროექტირებას დაქვემდებარებულ თითოეულ ობიექტზე გადაცემული დეტალური ტექნიკური დავალებით განსაზღვრული, განსახორციელებელი სამუშაოების საორიენტაციო ღირებულება არ აღემატება 50,000 ლარს, საბოლოო ანგარიშსწორება განხორციელდება საპროექტო-სახარჯთაღრიცხვო დოკუმენტაციაზე სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტიზის დადებითი დასკვნის საფუძველზე. ექსპერტიზის დასკვნის მომზადების ღირებულება ანაზღაურდება მიმწოდებლის მიერ.

10.4 მიმწოდებლის მიერ წარმოდგენილი საპროექტო-სახარჯთაღრიცხვო დოკუმენტაციის ხარისხის დაცვის მიზნით, შემსყიდველი ორგანიზაციის მიერ ყოველ კონკრეტულ ობიექტზე დაკავებული იქნება ასანაზღაურებელი თანხის 10%, რომლის დაბრუნებაც განხორციელდება დაპროექტებული ობიექტის სამშენებლო სამუშაოების დასრულების (შესაბამისი მიღება-ჩაბარების აქტის გაფორმების) შემდგომ 10 (ათი) სამუშაო დღის ვადაში, მაგრამ არაუგვიანეს 2019 წლის 31 დეკემბრისა.

10.5 მიმწოდებელი უფლებამოსილია მოითხოვოს ამ მუხლის მე-3 პუნქტით გათვალისწინებული ხარისხის დაცვის მიზნით დაკავებული თანხის ანაზღაურება სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ დაკავებული თანხის იდენტური ოდენობის გარანტიის წარდგენის საფუძველზე. გარანტია უნდა იყოს უპირობო, გამოუხმობადი და შემსყიდველ ორგანიზაციას უნდა აძლევდეს უფლებას გარანტიის გამცემისგან, პირველივე მოთხოვნისთანავე, მიიღოს შესაბამისი თანხა. გარანტია მოქმედი უნდა იყოს 2020 წლის 1 თებერვლამდე.

10.6 იმ შემთხვევაში, თუ განსაზღვრული გარემოებების გამო მიმწოდებლის მიერ გაწეული მომსახურების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი ორგანიზაცია აუნაზღაურებს

მიმწოდებელს მის მიერ ფაქტობრივად გაწეული მომსახურების ღირებულებას ამ ხელშეკრულებით განსაზღვრული ფასების (პროცენტების) შესაბამისად. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთენტიკური მომსახურების მოცულობაზე დასაბუთებულად მიმწოდებელს.

11. ეტაპობრივი ან/და საბოლოო ანგარიშსწორების განხორციელების ვადები

11.1 შემსყიდველი ორგანიზაცია აუნაზღაურებს მიმწოდებელს გაწეული მომსახურების ღირებულებას, მიღება-ჩაბარების აქტის დადამატებითი ღირებულების გადასახადის ან გარიშ-ფაქტურის წარდგენიდან 10 სამუშაო დღის განმავლობაში.

12. დამატებითი ინფორმაცია/დოკუმენტები

12.1. იმ შემთხვევაში, თუ მუნიციპალიტეტის მიერ მიმწოდებლისთვის ყოველ კონკრეტულ ობიექტზე გადაცემული დეტალური ტექნიკური დავალებით განსაზღვრული, განსახორციელებელი სამუშაოების საორიენტაციო ღირებულება აღემატება 50,000 ლარს, საპროექტო სამუშაოების შესრულების ზედამხედველობას განახორციელებს შპს „რეალექსპერტი“;

12.2. მომსახურების გაწევის პროცესში, მიმწოდებელმა უნდა უზრუნველყოს ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება;

12.3. საკვლევაძიებო და სხვა სამუშაოების განხორციელებამდე მიმწოდებელმა მინიმუმ ერთი დღით ადრე უნდა აცნობოს მუნიციპალიტეტს ან მის წარმომადგენელს (ზედამხედველს) რომლებიც დაესწრებიან აღნიშნულ პროცესებს.

12.4. ელექტრონული ტენდერისთვის ტენდერის სტატუსის „გამოცხადებულია“ მინიჭებიდან ტენდერის სტატუსის „წინადადებების მიღება დაწყებულია“ მინიჭებამდე, სისტემაში „მიმწოდებლად“ რეგისტრირებულ ნებისმიერ მომხმარებელს უფლება აქვს სისტემაში არსებული „კითხვა-პასუხის“ მოდულის მეშვეობით, მოითხოვოს სატენდერო პირობების კონკრეტული ჩანაწერის განმარტება. კითხვის დასმიდან არაუგვიანეს მომდევნო სამუშაო დღისა, „კითხვა-პასუხის“ მოდულის მეშვეობით განხორციელდება შესაბამისი განმარტება, რითაც შესაძლებელია იხელმძღვანელოს ნებისმიერმა დაინტერესებულმა პირმა.

12.5. ყველაზე დაბალი წინადადების ფასის მქონე პრეტენდენტს, სატენდერო კომისიის გადაწყვეტილების/ქმედების თაობაზე განმარტების მოთხოვნის უფლება აქვს ელექტრონული ტენდერისთვის ტენდერის სტატუსის „შერჩევა-შეფასება“ მინიჭებიდან ტენდერის სტატუსის „ხელშეკრულება დადებულია“ მინიჭებამდე. ასეთ შემთხვევაში შესაბამისი განმარტების გაკეთება განხორციელდება გონივრულ ვადაში.

ოზურგეთის მუნიციპალიტეტის მერი
კონსტანტინე შარაშენიძე

ჩოხატაურის მუნიციპალიტეტის მერი
ირაკლი კუჭავა

ლანჩხუთის მუნიციპალიტეტის მერი
ალექსანდრე სარიშვილი



ინფორმაცია

წყალმომარაგებისა და წყალარინების ქსელების (სისტემების) მოწყობისა და რეაბილიტაციისათვის საჭირო სამუშაოები

	მუნიციპალიტეტის დასახელება	სამშენებლო სამუშაოების საორიენტაციო ღირებულება
1	ოზურგეთი	4 500 000,00
2	ჩოხატაური	367 500,00
3	ლანჩხუთი	1 376 660,00

ოზურგეთის მუნიციპალიტეტის მერი
კონსტანტინე შარაშენიძე

ჩოხატაურის მუნიციპალიტეტის მერი
ირაკლი კუჭავა

ლანჩხუთის მუნიციპალიტეტის მერი
ალექსანდრე სარიშვილი

